

Қазақстан Республикасының Үкіметі мен Грузияның Атқарушы Өкіметінің арасындағы Автоматтандырылған экологиялық таза арнайы көлік пен оның инфрақұрылымы саласы бойынша ынтымақтастық туралы келісімді бекіту туралы

Қазақстан Республикасы Үкіметінің Қаулысы 1999 жылғы 15 ақпан N 123

Қазақстан Республикасының Үкіметі қаулы етеді:

1. 1998 жылғы 22 қазанда Тбилиси қаласында жасалған Қазақстан Республикасының Үкіметі мен Грузияның Атқарушы Өкіметінің арасындағы Автоматтандырылған экологиялық таза арнайы көлік пен оның инфрақұрылымы саласы бойынша ынтымақтастық туралы келісім бекітілсін.

2. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Қазақстан Республикасының Үкіметі мен Грузияның Атқарушы
Өкіметінің арасындағы Автоматтандырылған экологиялық
таза арнайы көлік пен оның инфрақұрылымы саласы
бойынша ынтымақтастық туралы
Келісім

(ҚР халықаралық шарттары бюллетені, 2000 ж., N 1, 17-құжат)
(1999 жылғы 18 наурызда күшіне енді - "Дипломатия жаршысы" ж.,
Арнайы шығарылым N 2, 2000 жылғы қыркүйек, 81 бет)

Бұдан былай Тараптар деп аталатын Қазақстан Республикасының
Үкіметі мен Грузияның Атқарушы Өкіметі,

екі елде де әлеуметтік-экономикалық дамудың басым бағытының бірі - жетуі қиын таулы бедерлі қалалар мен аудандардың тұрғындары мен өндірістерін көлікпен қамтамасыз ету проблемаларын оңтайлы шешу болып табылатынын мойындай отырып,

екі елдің ұлттық шаруашылығының негізгі салаларында (қалалық коммуналдық

шаруашылық, ауыл шаруашылығы, өнеркәсіп, денсаулықты қорғау, туризм, тау шаңғы спорты және басқалар) автоматтандырылған экологиялық таза жолаушылар және, жүк электр көлігі (канаттық, монорельстік, канат-рельстік, троллейбустік және басқа) мен оның инфрақұрылымдарын (тиесу, түсіру, жинақтау) құру және ендіру, қайта жаңарту және дамыту саласында өзара ұтымды экономикалық, ғылыми-техникалық және өндірістік ынтымақтастықты дамытуға ұмтыла отырып, көліктік қызмет көрсетудің сапасы мен тиімділігін ұдайы және

жоғарылатуды, азаматтардың тұрмыс жағдайларын жақсартуды, жұмыспен қамтуды кеңейтуді, көші-қонды қысқартуды материалдық және адамдар ресурстарын тиімді пайдалануды және қоршаған ортаны қорғауды қамтамасыз ету мақсаттарын басшылыққа ала отырып, төмендегілер туралы келісті:

1-бап

Осы Келісімнің шеңберінде теңқұқықты және өзара тиімді принциптердің негізінде ынтымақтастықты жүзеге асыру.

2-бап

Мына бағыттарда ынтымақтасатын болады:

Ғылыми-зерттеу және тәжірибелік-конструкторлық жұмыстар, жаңа жабдықтардың тәжірибелік және өнеркәсіптік үлгілерін, халықаралық стандарттар деңгейінде экологиялық таза арнайы көлік пен оның автоматтандырылған басқару жүйелерінің озық үлгілерінің техникалық құралдарын әзірлеу; ұлттық шаруашылықтардың негізгі салаларының қайта жаңартылатын және жаңадан салынатын объектілері үшін жобалау-зерттеу жұмыстары, арнайы жабдықтар мен оның қосалқы бөлшектерін жинақтау, монтаждау-іске қосу, жөндеу-құрылыс жұмыстары және авторлық әрі техникалық қадағалауды жүзеге асыра отырып, объектілерді түпкілікті пайдалануға тапсыру, техниканы пайдаланатын қызметкерлерді даярлау және біліктілігін көтеру, пайдалану сенімділігін сақтай отырып, өндірілген құралдар мен жүйелердің жабдықтарын игеруде техникалық көмек көрсету, автоматика, телемеханика және есептеу техникасы құралдарын қолдана отырып, арнайы көлік пен оның ақпараттық-басқару жүйелерінің ендірілген түрлерін жүйелі талдауды жүргізу мен нақты әлеуметтік сондай-ақ техникалық-экономикалық

т и і м д і л і г і н

а н ы қ т а у ,

өздерінің аумақтарында үкіметаралық келісімдердің немесе екі елдің ғылыми өндірістік, өнеркәсіптік және қоғамдық ұйымдарының тікелей байланыстары негізінде, энергия үнемдейтін құралдарды ендіруді қоса алғанда, бірлескен кәсіпорындарды (акционерлік қоғамдарды) құруға жәрдемдесу,

екі елдің өміріне нарықтық экономиканың жүйелік жаңартулары мен реформаларының сапалы және тиімді енгізілуін қамтамасыз ететін шараларды әзірлеу және іске асыруға жәрдемдесу,

электрондық және пошта байланысын пайдалана отырып, ғылыми-техникалық және экономикалық ақпаратпен алмасу, өзара тиімді мақсатты мемлекетаралық экономикалық, ғылыми-техникалық және өндірістік ынтымақтастық бағдарламаларын әзірлеу және іске асыру.

3 - б а п

2-бапта көзделген ынтымақтастықты мына ұйымдар жүзеге асырады:

Қазақстан Тарабынан - өз құзыреттерінің шегінде және Тараптардың ұлттық заңдарына сәйкес ресімделген мемлекетаралық тапсырыстардың немесе тікелей шаруашылық шарттардың (келісім- шарттардың) негізінде мүдделі министрліктер, ведомстволар, ғылыми, өндірістік, шаруашылық ұйымдар, жоғарғы оқу орындары мен ф и р м а л а р ,

Грузия Тарабынан - Арнайы көлік жөніндегі мемлекетаралық салааралық ғылыми-техника кешені және оның "Сакспецтранс" автоматтандырылған басқару жүйесі (арнайы көлік бойынша бастысы), Инженерлік академия, Техникалық университет және Грузияның басқадай мүдделі ұйымдары.

4 - б а п

Автоматтандырылған арнайы көлік пен оның инфрақұрылымдарының экологиялық таза түрлерін жасау және ендірудің, қайта жаңарту мен дамытудың мемлекетаралық мақсатты кешендік бағдарламалары мен бизнес-жоспарының тәртібін, мақсаттары мен тапсырма мазмұнын және бірлескен жұмыстың күтілетін нәтижелерін, қаржыландыру көздерін, мерзімдерін, орындалу мен іске асырылу шарттарын анықтайды.

Ынтымақтастыққа үшінші елдер ұйымдарының немесе халықаралық ұйымдардың қатысуының орындылығын Тараптар анықтайды.

5-бап

Осы Келісімнің шеңберіндегі Тараптардың ынтымақтастығы мынадай нысандарда жүзеге асырылуы мүмкін:

1. Мыналарды құру бойынша бірлескен ғылыми-зерттеу және тәжірибелік-конструкторлық жұмыстар;

автоматтандырылған жолаушылар, жүк-жолаушылар мен жүк канаттық және канат-рельстік көлік жүйелері;

автоматтандырылған жолаушылар, жүк-жолаушылар мен жүк монорельстік және конвейерлік көлік жүйелері;

автоматтандырылған жолаушылар троллейбустік көлік жүйелері;

тасымалдау, тиеу, түсіру және жинақтау үрдістерінің кешендік

механикаландырылған және автоматтандырылған жүйелері.

2. Жоғарыда көрсетілген жүйелердің жобалау-зерттеу, монтаждық-іске қосу, жөндеу-құрылыс жұмыстары.

3. Мамандарды даярлау және біліктілігін көтеру мен сынақ мерзімінен өткізуді ұйымдастыру.

4. Энергияны үнемдеумен қоршаған ортаны қорғау құралдары мен жүйелерін құру.

Ынтымақтастық осы Келісімнің іске асырылуын қамтамасыз ететін өзара келісілген өзге нысандарда да жүзеге асырылуы мүмкін.

6-бап

Бірлескен ғылыми-техникалық өнімдерді (қызмет көрсетулерді) ресми мәлімдеуді және есепке алуды Тараптар мемлекеттерінің декларанттары шарттардың (келісім-шарттардың) негізінде және Тараптар мемлекеттерінің ұлттық заңдарына сәйкес жүзеге асыратын болады.

7 - б а п

Тараптар екі елде еркін айналыстағы валютаның тұрақты кірісінің нақты көзі болып табылатын бәсекеге шыдайтын экспорттық өнімді өндіру бойынша жұмыстарды дамытуға жағдай жасайтын несиелер мен инвестицияларды беру шарттарын келісіп отыратын болады.

8 - б а п

Тараптар осы Келісімді іске асыруды қамтамасыз ету мақсатында автоматтандырылған экологиялық таза арнайы көлік және оның инфрақұрылымы саласында ынтымақтастық мәселелері жөнінде өзінің регламентін әзірлейтін және Тараптарға бекіткізетін жұмыс тобын құрады.

9 - б а п

Тараптар осы Келісімнің негізінде өздері немесе өздерінің өкілдері алған ақпарат пен құжаттаманы жарияламауға және ақпарат пен құжаттаманы берген Тараптың ресми келісімінсіз кез келген үшінші елге бермеуге міндеттенеді. Тараптар ынтымақтастық барысында бір біріне беретін алғашқы мәліметтердің, ақпараттың сенімділігіне және материалдардың саналылығына жауап береді.

1 0 - б а п

Тараптар бірлескен жұмыстарға қатысатын мамандармен алмасу мәселесін Тараптар мемлекеттерінің заңдары белгілеген тәртіппен шешеді.

1 1 - б а п

Осы Келісім Тараптардың өзара келісімі бойынша өзгертілуі немесе толықтырылуы мүмкін.

Өзгерістер мен толықтырулар 12-баптың ережелеріне сәйкес күшіне енетін тиісті Х а т т а м а м е н р е с і м д е л е д і .

Осы Келісімді түсіндіруге және қолдануға байланысты даулар Тараптардың арасындағы кеңесулер және келіссөздер арқылы шешілетін болады.

1 2 - б а п

Осы Келісім оның күшіне енуі үшін қажетті мемлекетішілік рәсімдерді Тараптардың орындағандығы туралы соңғы жазбаша мәлімдемені алған күннен бастап кү ш і н е е н е д і .

Келісім он жыл бойы күшінде болады. Егер Тараптардың бірде бірі

Келісім күші мерзімінің аяқталуынан алты ай бұрын екінші Тарапқа оның күшін тоқтату ниеті туралы жазбаша нысанда хабарламаса, Келісім келесі

онжылдық кезеңге өздігінен ұзартылады.

Тбилиси қаласында 1998 жылғы 22 қазанда әрқайсысы қазақ, грузин және орыс тілдерінде екі дана болып жасалды және де барлық мәтіндердің күші бірдей.

Осы Келісімді түсіндіруде пікір алшақтығы туындаған жағдайда орыс тіліндегі мәтінге үстемдік беріледі.

Қазақстан Республикасының Грузияның Атқарушы
Үкіметі үшін Өкіметі үшін

Оқығандар:

Қобдалиева Н.

Орынбекова Д.